

Tacamahaca vera. *Wahrer Takamahak.*

Fagara oñandra. *Arbor Americae calidioris, praesertim in Curacao frequens. Crescit etiam in insula Madagascar.*

Resina aromatica, vel lutescens, vel ex luteo viridescens, ex cortice arboris vulneratae exsudans, et in pericarpis cucurbitinis collecta.

Tamarindi s. Fructus Tamarindorum. *Tamarinden.*

Tamarindus Indica. *Arbor Arabiae et Indiae orientalis.*

Pulpa nigra, seminibus siliquarum interiaccens, saporis acidi grati.

Tartarus. *Weinstein.*

Sal nativum, in succo baccarum Vitis viniferae, aliarumque plantarum, obvium; constans Acido proprio, ex parte Kali nupto.

Tartarus crudus instar crustae crystallinae parietibus doliorum, in quibus vinum asservatur, adhaeret. In officinis Galliae depuratus sub nomine *Crytallorum Tartari* in usum venit.

Terebinthina communis. *Gemeiner Terperthin.*

Pinus silvestris.

Balsamum nativum, ex cinereo lutescens, subpellucidum, ex trunco arboris terebrato effluens.

Terebinthina laricina s. Veneta. *Venedischer Terpenthin.*

Pinus Larix. *Arbor Europae meridionalis.*

Balsamum nativum, lutescens, pellucidum, vel sponte ex trunco exsudans, vel ex foraminibus ope terebrae factis effluens.

Turiones Pini. *Fichtenknospen.*

Pinus silvestris.

Gemmae foliaceae, vix exclusae.

Vinum. *Wein.*

Vitis vinifera. *Frutex in vineis cultus.*

Succus baccarum *Vitis viniferae*, post fermentationem vinosam rite peractam, satis diu in doliis asservatus.

In usum pharmaceuticum praecipue veniunt. *Vinum Gallicum album, Vinum Rhenanum, et Vinum Malacense.*

Viscum album. *Weisse Mistel.*

Viscum album. *Fruticulus parasiticus Quercus, Fagi, Pini, aliarumque arborum.*

Ramuli juniores, una cum foliis ovatis coriaceis, magna glutinis quantitate repleti.

Zincum. *Zink.*

Metallum ex albedo caerulescens, tenax, malleo parum obediens. Ignitum, sub aëris accessu flammam concipiens, abit in Oxydum album, partim sub floeculorum levissimorum forma avolans.

Zincum Chinense plerumque puritate antecedit illi, quod in officinis metallurgicis Goslariensibus producitur.